

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINACIJA  
FEDERALNO MINISTARSTVO FINANSIJA

BOSNIA AND HERZEGOVINA  
FEDERATION OF BOSNIA AND HERZEGOVINA  
FEDERAL MINISTRY OF FINANCE

Broj : 05-15 – 125 - 3 /09  
Sarajevo, 23. 02. 2009.godine

**POREZNA UPRAVA FEDERACIJE BIH**  
**SREDIŠNJI URED**  
**SARAJEVO**  
Husrefa Redžića 4

Bosna i Hercegovina-FEDERACIJA BOSNE I HERCEGOVINE  
FEDERALNO MINISTARSTVO FINACIJA-FINANSIJA  
POREZNA UPRAVA FEDERACIJE BIH  
SREDIŠNJI URED  
SARAJEVO

PRIMLJENO: 25-02-2009			
Organizaciona jedinica	Klasifikaciona oznaka	Redni broj	Broj priloga

Predmet: Primjena odredbi Zakona o porezu na dohodak i Pravilnika o primjeni Zakona o porezu na dohodak koje se odnose na oporezivanje kredita sa kamatnom stopom nižom od tržišne kamatne stope - stav

Poštovani,

Prema članu 10. stav 3. Zakona o porezu na dohodak ("Službene novine Federacije BiH", broj 10/08), oporezivim prihodima od nesamostalne djelatnosti, pored ostalih koristi, smatraju se i koristi koje zaposlenici ostvare od svojih poslodavaca u vidu korištenja povoljnih kredita (beskamatnih i / ili kredita sa kamatnom stopom koja je niža od tržišne kamatne stope.

Prema članu 13. stav 3. Pravilnika o primjeni Zakona o porezu na dohodak ("Službene novine Federacije BiH", broj 67/08), povoljnim kreditom ili pozajmicom pored beskamatnog kredita i/ili pozajmice, smatra se i kredit i/ili pozajmica ugovorena odnosno data od strane poslodavca svom zaposleniku uz kamatnu stopu koja je niža od prosječne godišnje kamatne stope koje daju banke. U tom slučaju, korist koju je ostvario zaposlenik utvrđuje se kao oporezivi prihod koji čini razlika kamata obračunatih primjenom prosječne kamatne stope i ugovorene beneficirane kamatne stope, dok bi oporezivi prihod kod beskamatnog kredita iznosio u visini obračunatih kamata po prosječnoj kamatnoj stopi. Tako utvrđena vrijednost ostvarene koristi, prema članu 17. stav


3. Pravilnika o primjeni Zakona o porezu na dohodak, tretira se kao neto prihod zaposlenika koja se radi utvrđivanja porezne osnovice za obračun akontacije poreza na dohodak od nesamostalne djelatnosti, mora prethodno preračunati u bruto iznos primjenom koeficijenta utvrđenog na osnovu člana 17. stav 1. ovog pravilnika.

S obzirom da se ostvarene koristi po ovom osnovu, prema poreznim propisima, do 31.12. 2008. godine nisu tretirale oporezivim prihodom, **stav ovog Ministarstva je da se povoljnim kreditima i/ili pozajmicama za koje treba obračunavati oporezivu korist, smatraju samo oni krediti i/ili pozajmice bez kamata ili sa kamata nižim od tržišnih ugovoreni odnosno odobreni nakon 01. januara 2009. godine tj. od dana početka primjene Zakona o porezu na dohodak.**

**U 2009. godini povoljnim kreditom i/ili pozajmicom smatrat će se oni krediti i/ili pozajmice koje je poslodavac zaposleniku ugovorio odnosno dao bez kamata ili sa kamata nižim od 10,03%.**

Napomena: Kamatna stopa 10,03% utvrđena je na osnovu podataka Centralne banke BiH o prosjecima kamatnih stopa komercijalnih banaka u 2008. godini na kredite odobrene stanovništvu i to prosjecima kamatnih stopa na kratkoročne kredite i dugoročne kredite u KM, kao i kratkoročne i dugoročne kredite u KM sa valutnom klauzulom (vezanom za EUR). Ako, prema podacima Centralne banke BiH u narednom periodu dođe do znatnijeg povećanja ili smanjenja prosječnih kamatnih stopa na kredite i pozajmice podatak o novoj prosječnoj tržišnoj stopi na kredite i pozajmice i o datumu njenog važenja bit će te naknadno obavješteni.

S poštovanjem,



MINISTAR  
*Vjekoslav Bevanda*  
Vjekoslav Bevanda